

ChL 0117.1143 C

3

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

OCT 11 1932



漁洋山人詩集卷七

哈佛大學漢和
圖書館珍藏印

新城 王士禛貽上 撰

庚子稿

湖上送愚山督學歸宣城二首

一樽藉芳草離思杳難任
東路風光徧春江日暮
深烟條歷陽樹草閣敬亭陰
四照樓前水相思記
楚吟

漢儒明學日魯壁授經人
闕里諸生舊關門祖帳
新水停梅冶夕山及謝家春
婚宦何年畢清溪共
卜隣

滄山二首

書堂高在南山巔日射峰頭生紫烟昨夜雨消春
水漲雲中飛下百重泉
寺裏人看寶誌迴湖邊簫鼓晚仍開撐船直入花
深處雲葉當頭山雨來

贈勞山隱者

何許藏名地秦山海上深半夜白日出風雨蒼龍
吟靜侶行道處不聞樵采音清冷魚山梵寂寞成
連琴曉就諸天食暝棲蒼蘆林因知安居法一契
無生心我亦山中客悠悠悔陸沉

太和莊作

林薄稍縈帶溪流清且長人家掃殘雪雞犬卧朝
陽石路初迴曲前峰轉鬱蒼子真思谷口涉此悔
行藏

遙送魏推官赴成都

昔君送我去隋堤隋堤柳色垂青絲我今送君之
錦里錦城花發岷江水岷峨山高入雲上應井
絡垂星文羌秦久判黃龍誓瓊蛋常懸赤甲軍白
鹽赤甲三城戍十年割據蠶叢路父老雖悲望帝
魂公孫終爲當塗誤年來巴蜀漸銷兵玉壘嵯峨

綿洛清賓人
熨女登堂舞
爨部冰兒負
弩迎使君
本自三吳彥
清忠家世人
爭羨詞賦譙
邀漢主知
風流却許文
園見褒斜
亂後少行人
劔閣連雲最
苦辛楊花飛
處經新雨
杜宇啼時過
暮春知君壯
游耻拘束定
有高文傳諭
蜀板楯蠻歸
益部平登
臨放酒春江
曲蜀江吳水
不通潮曾共
黃壚貫紫
貂秋來獨對
蕪城月憶爾
成都萬里橋

再送魏推官兼寄蜀中故人

送爾居然萬里行
東風殘雪照離旌
啼猿曉渡青
衣水落木秋臨
白帝城益部山川
皆秀麗華陽士

女最聲名漢南親
故如相憶其聽渝歌
一愴情

賦得春草碧色留別

南浦人將別西洲
草正芳含烟拂流水
將思結垂楊
蘭澤誰當采
天涯路正長
離愁紛似汝
終古在河梁

澠水上留別家兄
太液禮吉子側暨諸猶子
二首

靡靡卽長道鬱鬱難具陳
人生重離別况乃骨肉
親官橋水邊柳征夫衣上塵
相眎宛將別含意何
由申昨宵一堂宴明日千里人
且復緩須臾佇立

長河津

幼稚羣牽衣問我歸何時我行越江介會合寧詎
知長河漂母墓春樹淮陰祠此行多感激念爾復
傷悲登車不成別淚下如懸絲

寄二幼妹

高堂送遠淚沾裾賴爾加餐慰倚閭故里鶯花三
月暮行人消息大雷書

臨朐道中作二首

芳月辭鄉去汀洲徧綠波高堂念行李遠客渺關
河地入朱虛古山連青社多明朝穆陵路目斷北

鴻過

野水春風起青山落日斜雲嵐生近壑鳧雁聚圓
沙迢遞鄉程隔縈迴別思賒吾家長白曲兄弟各
天涯

午睡過穆陵關覺後感成二首

崎嶇驛路萬重山鄉夢猶能夜夜還忽聽竹雞驚
午枕白雲已失穆陵關

穆陵關南烟草愁穆陵關北棟花秋關門鎖斷清
溪水不寄離心向北流

渡淮作

凌風下淮口舟子暮相催
杳杳水天合蒼蒼葭菼
來帆飛公路浦鳥下淮
陰臺亦是乘槎客中流
思轉哀

懷日緝

忽有都門信聞君廢蓼
莪愁驚時序改涕爲故
人多楚樹通梁苑隋堤
接汴河何時共尊酒腸
斷五噫歌

露筋祠

放舟湖上水艤機女郎
祠往蹟行人說清風古
牒垂畫衣生積蘚荒徑
颯靈旗叢竹香蘋路依
稀近

九疑

邵伯舟中

一望遙天濶茫茫泛夕
槎樹分甍湖水月上楚
人家野戍寒蟲亂廻堤
古廟斜蕪城前路近宮
柳欲棲鴉

高郵雨泊

寒雨秦郵夜泊船南湖
新漲水連天風流不見
秦淮海寂寞人間五百年

寶應

畫舫垂楊千萬絲淮南
江北斷腸時誰堪此夜
青

天月碧草濃烟宿射陂

淮安新城有感二首

澤國陰多暑氣微一城烟靄晝霏霏
春風遠岸江籬長暮雨空堤燕子飛
四鎮蟲沙成底事五王龍種竟無歸
行人淚墮官橋柳披拂長條已十圍
開府當年據上游建牙賜爵冠通侯
卽看別院連雲起更引長淮作帶流
荒徑人稀麕麝嘯野塘風急荻蘆秋
永嘉南渡須臾事忍向新亭問楚囚

劉堡雨行

寒色起菰蘆川光晝有無
天低寶應縣雲壓射陽

湖淺澤魚龍螯高空雁鷺呼
春來添肺疾撥悶強
枝梧

大觀閣上眺白馬湖

千仞憑欄俯射陂亂帆曛色去何之
鐘聲遠出寒林寺白馬湖頭落日時

界首驛寄家兄

楚天風送采菱舟菱葉青青稻葉秋
兄弟相思二千里木蘭亭北驛南樓

雨中陳園聽歌

舊蹟隣螢苑登臨遠恨生
不辭衝雨到兼作摘船

行水市垂楊合重樓玉笛清隋宮有遺曲惆悵若
為情

沈家渡

平蕪鶴脚綠濛濛十里輕帆逐便風遙指吳陵城
已近斜陽小市水車紅

瓜洲道中有感

垂楊垂柳拂關河白舫朱樓映逝波春雨蕪城寒
浪靜夕陽京口暮山多雷砦事去空禾黍螢苑人
稀罷綺羅欲向江頭頻望遠不堪灑淚石城歌

雨舟偶成

推蓬失清曉渺渺雜人烟夜雨迷黃浦繁花滿白
田漁家杭稻外野寺鷺鷥邊慚愧垂竿叟長謠過
我前

江上懷汪程劉三子兼寄家兄西樵二首

佛壯談詩登秘閣周量小字時液仙趨府算錢刀

茗文別號還思阿馘歸清潁仕隱無端愧汝曹

天寧佛火共淹留千里驚逢落雁秋何處憑欄望

西北暮雲明月滿蕭樓冬杪與家兄別于天寧寺

六月七日舟中乍涼試筆二絕句

蘆荻何蕭疎風日始清美葉葉隔林帆秋心滿烟

水

茆屋映迴汀漁罾挂高樹秋氣感人懷况近陳琳墓

珠湖風雨懷家兄西樵禮吉子側

竹屋秋燈每劇棋共聞山溜下荒池而今老作江南客獨聽寒蘆夜雨時

送傅彤臣御史按江右

早傳封事動螭頭當代修期譽最優江介烽烟初攬轡中流慷慨獨登舟雲霞近出秦人洞詞賦重開帝子樓欲寄離心章貢水廣陵濤色不勝秋

送陳冰壑往江陰

君從白田來相逢話疇昔高齋聽疎雨流連坐清夕朝來掩關臥復送江南客何處寄相思潮迴廣陵驛

玉隨編修貽詩奉答三首

平山堂下放舟時醉倚蘭橈雪藕絲笑我支離頻臥閣藥鑪禪板正參差

瑯琊山間明月谿風流遺蹟醉翁題君家兄弟避人處南隱之南西澗西

花影當堦鶴唳長得君七發喜顛狂曲江八月秋

風起坐看洪濤白鷺翔七發洪淋淋若白鷺之下翔

江上寄程崑崙二首

白浪金山寺青山鐵甕城故人今不見楊柳作秋聲

江北望江南祗隔江津水日暮寒潮生愁心滿揚子

余澹心寄金陵詠懷古跡詩却寄二首

千古秦淮水東流遶舊京江南戎馬後愁殺庾蘭成

鍾阜蔣侯祠青溪江令宅傳得石城詩腸斷蕪城

客

再過露筋祠

翠羽明璫尚儼然湖雲祠樹碧于烟行人繫纜月初墮門外野風開白蓮

有憶

瓊姿幾樹映潺湲曾向花源夢裏攀羯鼓一聲傳碧落畫樓九曲近青山如聞紫玉懷新侶不惜明珠市舜顏今日白蘋江上望斜風細雨下邗關

七月七日舟中晚晴二首

蜺蜺湖邊菡萏紅金釵澗上藕絲風故園紈扇驚

秋早銀漢迢迢一道通
小別鄉園千里餘廣陵病客近何如年來秋思逢
蕭瑟無復叅軍舊晒書

邀嚴子問徵君子餐都諫方貽孝廉集依園
客從南屏來衣上烟霞斑落帆廣陵郭顧我虞清
閒置酒蓮葉上鳴琴竹林間池引汴河水樓觀瓜
步山清秋有明月留醉莫言還

落日

落日下長川揚舲去安極不辨水禽聲十里菰蒲
色

公猷自潁上寄書并寄姬人東素傳賦答

我愛清潁水君家清潁亭風流及樵牧踪跡付沉
冥遠道勞書札寒江問客星何因瑤瑟怨中夕感
湘靈

文選樓懷古

何處登臨起暮愁蕭梁人代幾悠悠心悲寶誌詩
中語淚灑維摩江上樓玄圃風流人已盡蕪城日
落草先秋銷沉故蹟遺書在佛火寒鐘對暝流

賦得隋堤柳

邗溝南望是金城更指隋堤百感生撩亂飛花春

晝晚淒迷江曲候潮平
弩臺雨過連莎影
水殿秋來起雁聲
猶爲君王鎮憔悴
大堤如雪不勝情

韓侯釣臺歌

西風吹淮水倒流
落颿一弔淮陰侯
棘叢藤蔓斷碑蝕
三尺釣臺成古丘
嗟昔英雄悲蓐食
垂竿憔悴無顏色
壯懷不屑與連敖
形容安用時人識
一朝騰蹕起風雲
登壇突兀驚三軍
帝子晚能知大將
漂母早解哀王孫
雲蒸龍變陳倉道
京索滎陽疾於掃
已聞傳檄定三秦
拔幟還驚下全趙
丈夫生卽爲真王
崩通豈必謀非臧
食人之食死人事

不知鳥盡良弓藏
左右早能分楚漢
雲夢之遊可三歎
全身惜不如文成
意氣殊羞伍絳灌
千秋鍾室淚滂沱
乃公感激大風歌
夷黥醢越事已矣
縱有猛士當如何
雉離宮中恨終古
白日蒼茫照淮楚
有酒但酌韓侯臺
不洒長陵一坏土

卽事

十里田田荷芰風
漁舸如葉出花中
鷺兒湖北烟初暝
背指明霞幾縷紅

自淮上歸維揚病中雜興六首

昨登韓侯臺
臺空雜荆杞
不及子陵臺
突兀桐江

水

東漢臧子源慷慨申大義荒祠枕寒潮誰復千秋祀

古人去已久但見文游臺鴨鷓深秋裏啼聲夜夜哀

東指楊絲港西望秦蘭河女兒不學繡盡唱竹枝歌

召伯湖如鏡遙連甲仗樓江東名宰相陽夏最風流

錦纜空寒水垂楊祇暮鴉秋來更腸斷風雨玉勾

斜

山光寺

故隋北宮

舟過山光寺西風柳漸凋隋宮零落盡秋日水迢迢

送李方壺暫還松江卽赴南寧

斜陽對京口送子去江東歸棹青楓外家山綠橘中十年耽故隱萬里逐飄蓬地勢三江會人烟八桂通楚峰名落雁粵水號秋風冬實枕榔碧春花荔子紅語音蠻峒異伏臘焚香同下瀨初休戰磨崖待勒功若過銅柱側莫讓伏波雄

修復雙烈祠

寶應祀漢
臧洪陳容

炎德既銷歇，羗戎亂神京。
洛陽泣銅狄，日望關東兵。
黃巾未殲滅，黑山勢縱橫。
淮南有布衣，思扶社稷傾。
進說廣陵守，慷慨酸棗盟。
袁張乖末路，同袍戈矛生。
磊落東郡長，淒涼東郡丞。
掘鼠饗諸將，白日照忠貞。
一時兩烈士，意氣奪幽并。
我來安宜縣，懷古緬儀刑。
空祠出蝙蝠，枯木飛鼯鼯。
荇花被寒渚，秋蘚翳山楹。
有司罷俎豆，居人薦萁羹。
斷碑重拂拭，欹簷理茅荆。
三歎陳記室，空傳千載名。

璋生同里臧有答
陳琳書詞義嚴正

薛戶部招飲湖心寺樓酒間索詩賦贈

高樓百尺臨淮起，乘興登臨坐秋水。
右顧增城烟浪中，左眺湖光暮雲裏。
薛公三十何堂堂，談兵說劍皆老蒼。
便可相從軹井里，短衣射虎西山岡。

寄薛戶部索畫

寂坐清淮烟水間，誰將雲壑破愁顏。
知君作畫師黃鶴，試寫江南雪後山。

真州道中

蕪城西望人烟遠，秋風斜日蟬聲晚。
青草迷離野渡橫，行人指點隋家苑。

青山

晨雨過青山漠漠寒烟織不見秣陵城坐愛秋江
色

江上二首

揚子津頭雁影遲建康城畔柳如絲秋來無限傷
心色况值鑿江暮雨時

吳頭楚尾路如何烟雨秋深暗白波晚趁寒潮渡
江去滿林黃葉雁聲多

卽目

蕭條秋雨夕蒼茫楚江晦時見一舟行濛濛水雲

外

方山

泊舟方山港弔古方山亭隋宮羅綺盡石上蘚痕

青

瓜步眺望

眺遠空江上雙峯列翠屏莓苔瓜步碣風雨石帆
銘黛色迎船綠嵐光潑棹青戰場悲太武壽氣晚
冥冥

皇廠河

鳧雁被沙洲沿洄一徑幽萍花紛曲岸竹色壓廻

流晚鼓滄江戍人家白板樓好乘瓜蔓水溪上問
漁舟

瓜步道上作

佛狸祠邊苦竹叢符融山外桂枝風隔江暮雨秋
千里愁聽西風白下鐘

漁洋山人詩集卷七終

漁洋山人詩集卷八

新城 王士禛貽上 撰

庚子稿

雨後觀音門渡江

飽挂輕帆趁暮晴寒江依約落潮平吳山帶雨參
差沒楚火沿流次第生名士尚傳麾扇渡踏歌終
怨石頭城南朝無限傷心史惆悵秦淮玉笛聲

夜登燕子磯

渡江訪名山層巔到曛黑大江森欲動浩浩千里
色把炬石燕飛燃犀潛蛟匿北望靈巖塔知是專

諸邑悲慨下沾襟此意誰當識

宿弘濟寺曉登觀音巖眺望

擊楫凌滄洲投宿招提境入門優曇香聞鐘夜方
永高枕聽濤聲層軒抱江影曉來微雨過紅葉滿
高嶺憑欄見萬里雲物殊清迥長山去蜿蜒上流
壓江郢海門控金焦蒼烟翳朝景信美睇山川霸
圖逶烟冷何如學無生抗跡雲峰頂

曉雨復登燕子磯絕頂

岷濤萬里望中收振策危磯最上頭吳楚青蒼分
極浦江山平遠入新秋永嘉南渡人皆盡建業西

風水自流灑酒重悲天塹險浴鳧飛鷺滿汀洲

再題絕句

琳宮碧樹俯寒流漠漠江天葉葉舟偶愛扳留坐
巖石柳絲飛落釣人頭

雨中望雞籠山

金陵城北雨濛濛山色波光遠近中見說後湖烟
水盡誰能拄頰望雞籠

寄一靈道人

聞師江海去幾日剡中還昨朝逢越客知下沃洲
山

寄崑麓

青溪竹林寺日暮竹林深雪後無人跡哀猿時一吟

送爾成從兄赴屏山四首

朝下譚侯命聞開爨道新青衣流萬里黃綬及三春古寺餘唐壁荒城半峒民山山杜鵑發鄉思想沾巾

西爨來賓日中郎建節秋開山通大鹿徼水過旄牛官橋千頭樹兵蘭萬仞流無悲邛笮遠猶是古梁州

浮槎窮黑水懸索度朱提祀古傳金馬江清見石犀芋田荒歲改火井戰場逃此去文翁化牂牁罷鼓鼙

揚子津頭水懷人萬里橋褒中連棧道益部上層霄六詔風烟近三巴尺素遙一爲江海別兄弟各蓬飄

寄彭十

蕭寺鐘殘時燕山霜落夜對床語清夕流連不知罷落葉一紛飛離鴻遂南下澈浦近青山依稀見君舍

送念東侍郎

搖落三秋後逍遙五嶽初金庭許立宅林屋丈人
書閱跡已終古探奇得未如歸來遠人境應是作
樓居

題徐半山山居圖二首

先生竟學道自製水田衣獨卧寒林靜故人相見
稀晚涼松鼠落曉日竹雞飛亂葉千峰裏行歌何
處歸

濃淡寫山木依稀聞亂流雲中敬亭月烟際宛谿
舟身預名僧會裝成五嶽遊邈然巖壑裏長嘯憶

丹丘

半山愛子寒江落潮之句爲作圖愚山題詩

其上和答一首

我昨訪奇登燕磯潑墨深更遍巖壁捫蘿附葛不
知險夜踏空江欲崩石掀髯作畫鹿裘翁長嘯題
詩宛陵客何當結屋圖中居臥看江天落潮白

久病初出東門登舟

鶯花搖落廣陵郭野塘欲雪天蒼浪水雞野鴨避
彈射斷蒲折葦如連檣江南數帆去不息金焦落
日明朱方我行東征更北首吳綿豈足凌嚴霜且

復鼓枹南渡江梧宮秋氣悲吳王洞庭橘柚千樹
黃蕤絲柔滑勝蔗漿紫魚橙片不論價暫可劇飲
忘他鄉

冬曉高郵舟次

野鴨鳴漁村霜清知天曉開窓一長望湖氣何宵
渺烟寒遠樹稀水落沙洲小昨泊秦郵城明及安
宜道搔首汜湖陰漁樵可終老

雪泊韓侯臺下

漂母祠前雲欲垂淮陰城外暮
埋時寒林蕭瑟炊烟靜野水蒼茫
鶴鶴飢亭長功名石終古盡假王事

業幾人悲荒臺雪下寒流急國士傷心醉一卮

高郵逢繩東表兄歸菑川

共作淮南客相逢甕社湖荒林收暮網凍水折寒
蘆感別愁方集懷歸歲欲徂自傷流滯久且復立
斯須

冬曉渡江

江南雞唱早舟子報潮生估舶聞人語沙洲落雁
聲寒烟瓜步水雜樹潤州城重鎮南徐地茫茫恨
不平

登金山二首

振衣直上江天閣懷古仍登海嶽樓三楚風濤杯
底合九江雲物坐中收石簪落炤翻孤影玉帶山
門訪舊遊我醉吟詩最高頂蛟龍驚起暮潮秋
三山縹緲望如何有客褰裳俛逝波絕頂高秋盤
鶴鶴大江白日踏鼉鼉泠泠鐘梵雲間出歷歷帆
檣檻外過京口由來開府地不堪東望尚干戈

金山題壁

淨業菴前竹樹圍妙高臺畔落霞飛閱身迴憶三
生事曾乞雲山舊衲衣

蒜山

龍宮開別島石趾入江深水接南瀝近山連北固
陰寄奴空壁壘公瑾能登臨顧盼英雄盡東流自
古今

丹陽三首

夜火丹陽郭移舟暫解維川涂紛雨雪彌望遠淒
其戍鼓蘭陵鎮荒烟葛令祠五湖行漸近杳杳欲
何之

無悲烽火後勝蹟古雲陽陵墓南朝舊山川東路
長豐碑吳季子名歎謝中郎憑弔逢搖落前途轉
鬱蒼

曲阿後湖路百里望南徐解纜從漁父臨風誦卜
居慶亭朝射虎練水暮觀魚如此堪終老窮愁悔
著書

夜行丹陽道中

倦客浮家道路長吳楓夾岸入江鄉暮雲畫角辭
京口曉月啼鳥過練塘臘近江南凋綠樹年來兵
氣動朱方建康舊重丹陽尹弔古今來思渺茫

毘陵道中雨

曲港迴汀暗野橋斜風吹雨暮蕭蕭江南烏柏紅
千樹望斷春申浦上潮

夜泊有懷同家兄子側

蘭陵城邊楓樹蒼芙蓉圩上雨淋浪估帆競落孤
舟暝那得逢人問故鄉

吳季子廟下作

我行延陵城懷古心苑結讓德邈已遠流風緬曩
哲州來季當立高懷寧詎屑躬畊表遐志亮哉子
臧節慕義永無窮穹碑字難滅所悲於潛役國亂
相更迭伍胥進勇士專諸踐王血遜位固高義復
命忍臣列春秋不名賢書札理當晰嗚呼三代後
斯風久淪絕廉節起頑懦尚論義常竊縞紵思古

人空祠颯寒雪

毘陵歸舟

泊船西蠡河解纜東城路涼月澹孤舟遙村隱紅
樹杳杳暮歸人悠悠渡江去

丹陽十字碑

延陵風義著勾吳十字千年映練湖却去闔廬城
畔望可憐麋鹿滿姑蘇

丹徒鎮

舟過丹徒鎮霜楓夾岸潮迴揚子夕山接秣陵
秋斜日低帆影輕寒閉水樓江城多戍壘哀角動

新洲

泊京口

西日鷓鴣暖晚潮鸚鵡塘泊舟新月下回首憶丹
陽

潤州懷古二首

楚雲直下大江流鐵甕城高落木秋宋帝南徐猶
作鎮蕭公北顧更名樓江山勝蹟留三國海道烽
烟動五州見說孫盧西犯日青燐白浪使人愁
興亡六代已銷沉對此茫茫思不禁黃鵠山頭寒
雨暝佛狸帳外暮濤深兵聞北府千年勁雲入西

津一片陰興劇且傾京口酒三山披豁足開襟

杜鵑樓

十三松已化龍蚪藥鉢名花去幾秋天竺數莖紅
似染蕭條猶映杜鵑樓

招隱寺

筍輿越黃鶴連岡帶平楚歷歷南朝松風吹落寒
雨石楠紅始垂沙泉碧方吐遂造戴公山風氣何
清古山門映殘照雙泉咽寒嶼玉蕊不復見空亭
閉荒塢戴公昔通隱風流照巖戶漱泉彈名琴東
巡動人主清風一銷歎初地留空宇金碧漸凋殘

林壑自清舉蕭條黃葉落寂歷幽禽語迴澗起涼
吹經堂罷齋鼓緬想剡中人蒼茫久延佇

昭明讀書臺

王孫讀書處梵夾自蕭森無復維摩室空餘雙樹
林荒臺梁碣盡夕景楚江陰古像悲猶在風流不
可尋

昭明小
字維摩

由招隱登夾山入竹林寺

籃輿俯高嶺石磴轉幽谷諸峰亂空翠澄江疊輕
縠迴望戴公宅秋氣益蒼肅紺壁隱奇杉危亭蔽
荒竹孤僧遠獨歸山鳥暮相逐樹杪見古寺松栝

漁洋詩集 卷八 九
散林麓絕壁尚千尋紆逕非一曲初蠟阮公屐逝
將訪金粟暝坐竹林深山山靜寒綠

竹林寺

迢迢夾山道幽幽竹林寺林公關山處泉澗饒古
意鐘磬聞諸天花藥覆平地森梢萬竿竹烟景滿
空翠慈鳥識禪心清猿起愁思平生江海情蕭然
但高寄回首禮白雲何時謝塵累

林皋和尚塔院觀林公泉

祖堂白雲裏岩堯俯林懋昔人不可見巖桂花猶
發惟有林公泉涓涓漾明月

竹林寺題壁

日暮南山裏山僧遠獨歸竹林覆殘雪石礧掩荆
扉行道花常落焚香鳥自飛京江泉壑好朝夕在
清暉

象山觀音庵

夾道皆脩竹幽禽上下飛蕭條臨曲岸蒼翠滴人
衣曉嶂青千疊晴江碧四圍買山何必遠此地足
忘機

吸江亭觀落照

返照入長江江流自平遠坐眺愛青山白雲獨歸

晚

尋瘞鶴銘

我思華陽人古銘傳瘞鶴披蘚下崩崖天寒水方落

與崑崙古樵卽事

了了松間月泠泠石上泉焦仙祠外望山色沓江天

贈古樵道人

入院逢枯木尋山問古樵犍椎何處在試聽海門

潮枯木堂唐枯木禪師所居

晚登焦山

長松古竹覆山根小艇探幽破蘚痕枯木堂中齋
磬晚水晶庵外大江昏洞開三詔臨青壁浪打雙
峰轟海門醉下高巖尋瘞鶴寒濤激石暮崩奔

焦山曉送崑崙還京口

山堂振法鼓江月挂寒樹遙送江南人雞鳴峭帆
去

海門歌

岷峨東下江水長遠從井絡來吳鄉奔濤萬里始
一曲古之天塹維朱方北界中原壯南紀魚龍日

月相迴翔中流一島號浮玉登高眺遠何茫茫長
空飛鳥去不盡江海一氣同青蒼山外兩峯遠奇
絕雙闕屹立天中央左江右海辨雲氣如爲八裔
分紀疆江流到此一縛束早潮晚汐無披猖燭龍
曉日出雲海山光照曜連扶桑年來海戍未停罷
峩舸大艦來汪洋胡豆洲前起烽火徒兒浦上披
衲襠古聞京口兵可用寄奴一去天蒼涼我願此
山障江海七閩百粵爲隄防作歌大醉臥巖石起
看江月流清光

別焦山

帆影乘流下泠然別梵音相逢乞食侶未慚住山
心紺殿明松日清江映竹林永懷焦處士千載濯
塵襟

登北固絕頂多景樓

金焦一棹乘風下放眼來登北固樓梁帝旌旗寒
浪沒孫郎勛業甕城秋千層臺閣凌雲起萬疊江
山拍座浮自到三山清興極便乘暇日坐銷憂

海嶽菴拜蘇米二公像

前輩風流地爲菴易研山爭名猶故蹟磨衲識清
顏江月長如此高人去不還惟應餘翰墨終古照

人間

瓜洲渡江二首

昨上京江北固樓微茫風日見瓜洲層層遠樹浮
青薺葉葉輕帆起白鷗

揚子橋頭雞未鳴瓜洲城外日東生風波不憚西
津渡一見金焦雙眼明

玉山夜歸

渺渺空江路人歸獨夜舟迴看玉山暝遙下石簾
流佛塔鈴相語漁篷火未收霜天聞急柝髣髴辨
瓜洲

送楊集虛歸盱江

聞君讀書處門對金船峰齋閣花時雨寒林定後
鐘諸天朝共食樵客晚相逢入洛思前事還山邈
去蹤凌烟拂鸞鶴散髮弄芙蓉板渚潮痕落邗江
酒思濃談經時有暇爲寄別來踪

登銀山絕頂

直到銀山高處行長江波浪午時生盤迴閣道空
中出層疊雲峰掌上平下瀨朱旗依戍亂高飛白
鳥過江明荀郎持節年猶少容鬢臨流轉自驚

荀郎鎮京口日年二十九子少兩歲耳

瓜洲于園二首

于家園子俛江濱，巧石迴廊結構新。
竹木已殘魚鳥盡，一池春水綠憐人。

風寒江上草萋迷，閒踏春泥過澗西。
一樹冬青青不改，映門猶自照清溪。

飲秋厓環溪別業

撥棹淮陰城，停帆射陽曲。
故人千里歸山家，酒初熟。
夕日隱寒雲，澄波映蒼竹。
欲去還復留，依依別林麓。

送毛吳江

別惡徘徊溝水頭，君行幾日到蘇州。
白鷗飛處停官舫，碧嶂晴時見郡樓。
橘柚寒雲千里暮，烟波返照五湖秋。
垂虹亭畔蓴絲美，一向江東寄遠愁。

憶焦山別峰菴

烟消日出見江南，雲木參差映曉嵐。
曾向焦仙祠外望，至今留憾別峰菴。

抱琴亭

寒叢響凍禽，曲檻鳴脩竹。
幽人獨抱琴，雪壓池邊屋。

漁洋山人詩集卷八終

漁洋山人詩集卷九

新城 王士禛 贈上 撰

辛丑稿

逃樓懷古二首

東都無復翠華遊
樵牧千年識廢丘
錦纜銷沉餘
落照垂楊憔悴覆
寒流祗今清梵留
初地自昔逃
藏有舊樓回首穠
華盡黃土斷烟渺
渺見邗溝
鳧舫雞臺蔓草荒
偶尋故蹟一霑裳
綺羅何處空
隋苑風景依然在
蜀岡桃葉陳兵猶
旦暮楊花聽
曲益淒涼
景陽宮畔臙脂井
江北江南總斷腸

第五泉

西憶峩眉雪高寒萬里心蜀岡汲春水猶是峽中音

同諸公訪栖靈寺

平山堂外柳如烟古寺同尋第五泉風靜鐘聲臨岸曲雨晴山色隔江天雷塘有徑生春草板渚無波作墓田惆悵隋唐一彈指不如初地老棲禪

平山堂作二首

廣陵城北早春時寂寂東風柳未垂不見歐公游賞地荒亭片石使人悲

偶來折柳向平山幾樹柔條未忍攀一種輕黃江水
水上依依曾照昔人顏

上方寺訪東坡先生石刻詩次韻

附跋

昔出蜀岡道黃葉鳴秋蟬今來上方寺綠萼破春
烟坦步寶帶側延眺隋城顛古刹龍象寂殘碣蛛
絲懸緬思峩媚人文采真神仙贈詩日南使賓佐
皆豪賢邈然竟終古漱墨留春泉老筆欲飛動妙
態殊便娟空堂響人語怖鴿飛聯翩後遊慨今昔
憑弔當同然

寺有泉
名第一

右大蘇先生送李孝博使嶺表詩凡十韻碑在

上方寺斷什已久鐵厓道人猶及見其墨澤謂
風骨過顏柳不在二蔡下今年春維舟竹西別
墅步往上方尋此石所在拂拭出之摩娑三嘆
如與公晤言酬唱於當日而信廉夫之言不虛
也歸舟取元韻次之并刻石斷碑之側云

大風渡江望金山

冥冥互父山浩浩揚子津風波不可渡愁殺峭帆
人

京江夜雪

揚子津邊揚片席暮角聲傳京口驛北風一夜江

上寒鴻鶴山頭雪幾尺去年曾上春秋樓蘆花楓
葉如清秋何當踏雪三山頂第一江山萬里流

寺有宋吳玠題榜
曰天下第一江山

丹徒行弔宋武帝

由阿之北京口東寄奴王者真英雄新洲伐荻殺
龍子大業遂建丹徒宮桓家小兒亂天紀投袂勤
王夜中起擣蒲百萬皆人豪龍行虎步非凡理從
茲大運屬彭城中原趙魏歸經營硤口千軍五龍
涸藍田一戰二嶠平南北推移幾千載太息雄圖
竟何在宿麥寒原少昔人神鴉社鼓成空塞王氣

銷殘帝宅荒悠悠江水不勝長忠臣徒嘆袁開府
天命還歸蕭建康

呂城雪霽二首

雞鳴呂城鎮日出市橋東雪屋迴汀口烟檣野竹
中鳥飛皆貼水舟泛若乘空古蹟成荒壘行行慨
阿蒙

午夜雲陽道扁舟狎老漁神亭雪幾許直瀆路何
如烟水懷前侶江湖未定居斷橋叢樹裏何處卜
吾廬

奔牛道中寄毛吳江

南望思橫扇伊人在具區愁心與江水日夜下東
吳采采春方至堂堂歲又徂寄書初見雁念別豈
思鱸前路臨申浦相思滿太湖問梅玄墓寺濁酒
待君沽

舟暮

向晚金牛道林寒響宿禽雪晴烟樹小日夕竹園
深川路通蕭港扁舟動越吟蘭陵今夜酒無那故
鄉心

懷家兄西樵禮吉同子側作

安穩蒲帆挂北風江村雪後夕陽紅燕山錦水千

重路香草河邊起暮鐘

棹歌四首

昔人云今之竹枝詞雖鄙俚尙有三緯遺
意有先以欸乃發聲而後歌者有旣歌而
以欸乃爲餘音者其聲清遠其意悽愴舟
行丹陽道中戲成棹歌四首令舟人歌之
猶元次出湘中之欸乃曲耳

潤州城北江水流丹陽城下鬲河舟江船風浪多
顛險河船安穩不須愁

觀音山在官河傍山外長湖是練塘山邊驛卒拋

津鼓湖上人家插稻秧

犇牛鎮接呂蒙城大雪連朝人不行簫鼓喧喧南
復北驛夫牽纜候雞鳴

柵口傍邊是妾家門臨秋水照菱花朝來求得南
陵信鷓鴣雙飛上釣槎

梁溪道中却寄毘陵故人

落日梁溪道西風客子顏平蕪眺天末遙見九龍
山頗憶春申碣無人夜潺湲如何攜逸侶雪後此
躋攀

夜過梁溪不得登惠山

毘陵一棹午烟分薄暮江城伴水雲欲試名泉陸
桑苧未看林際春申君風塵十載身將隱洞壑千
重思欲紛此去伯通橋下過五噫回首復何云

許墅舟中眺陽山殘雪

日出陽山外參差見幾峰依稀露烟靄窈窕明雲
松忽憶梅花發清溪深萬重扁舟欲乘興杳杳暮
天鐘

懷駿孫時讀其從姑幼玉遺詩

鳳脰燈寒共帝城銀河小院語平明蜀川消渴人
如昨洛水微波賦競成寂寂武原春嶂遠迢迢江

浦暮潮生謝娘柳絮班姬扇欲問仙源上玉清

虎丘二首

闔廬霸業夕陽沉鐘梵空山自古今劒去虎丘青
嶂在水枯鶴澗碧苔侵吳宮歌散聲猶苦越絕書
成怨不任惟有生公臺畔石年年白月照禪心
登臨一上可中亭疊嶂廻巒面面青昔日山堂誰
說法至今片石尙精靈四圍竹翠晴猶滴萬壑鐘
音晚更聽乘興探梅竟忘返白公堤外雪冥冥

闔廬墓

劒池春日水清虛石壁臨風弔闔廬於越行成誰

狡獪夫椒往事重欷歔飄零王氣傳金虎寂寞空
山塋玉魚太息恩讐竟何在荒臺青草認姑胥

虎丘雪浪軒眺望

高閣滴春雪溪山如畫圖輝輝浮震澤靄靄眺吳
都遠近清暉合瓏璫碧樹扶諸天坐來瞑香積下
飢鳥

五人墓

流連虎阜遊宛轉山塘路石門映迴波英靈此中
聚滿壇松桂陰落日青楓樹生傍伍胥潮死近要
離墓千秋忠介墳鬼雄誓相赴酌酒拂蒼碑寒鴉

自來去

姑蘇懷古三首

爭長黃池未濟師餘皇舟已徙熊夷山川終古迷
商魯花草千年怨種蠹故國魂銷吳苑水行人腸
斷越溪絲竹枝聲裏春將盡破楚門東暮雨時
斜日停橈喚柰何橫塘聲散采蓮歌青山古道通
閶闔綠黛春風憶苧蘿廢苑悵悵花欲暮長洲淼
淼水空波千金在鑄鴟夷像鳥自高飛避網羅
山徑何時塋玉鳧興亡轉瞬日西徂越人已自籌
三策秋祭當年竟五湖雨過麋城空碧草春深鶴

市半青蕪傷心更有南陽宰不獨寒潮泣子胥

文種

歎日南陽之宰而為越王之禽

將入鄧尉答余澹心

十載鍾山隱
逖樓聞君高卧在南谿
浣花舊事誰能繼
桃葉新詩手自題
白苧風流擅江左
青山梅信隔曇西
春宵一別閩門棹
酒盡橫塘烏夜啼

夜雨題寒山寺寄西樵禮吉二首

日暮東塘正落潮
孤篷泊處雨蕭蕭
疎鐘夜火寒山寺
記過吳楓第幾橋

楓葉蕭條水驛空
離居千里悵難同
十年舊約江

南夢獨聽寒山半夜鐘

通安橋舟中

烟鬟紛出沒
濃綠潑行舟
竹葉藏山塢
梅花映水樓
平生一丘想
今日五湖遊
颯颯蒲帆駛
風烟直似秋

虎山擅勝閣眺光福以雨阻不得往

虎山橋畔盡層松
掩映寒流古寺紅
却上重樓看鄧尉
太湖西去雨濛濛

山光福里入太湖口往聖恩寺

扁舟下西崦
森森入湖口
逶迤鄧尉山
蒼茫具區

漢詩集
卷九
八
藪南來仙靈窟玄墓號稱首銅井連青芝雲錦張
左右七十有二峰遙矚皆培塿貝闕敞魚龍金庭
開戶牖仙壇毛公蛻古笈靈威守名境秘聞見勝
遊信非偶巘嶸時合杳龍氣殊虻蠲擊檝泝空明
濯纓遠塵垢將來萬峰寺半偈持茗帚

雨夜宿聖恩寺還元閣

梅樹初花石澗流滿山香雪送行舟三更蕭瑟湖
邊雨百尺高寒水上樓師子窟中嵐翠合法華山
外暝烟收霜天欲曉鯨音起萬壑聲從何處求

還元閣聽雨懷太湖

冥冥遙峰雨黯黯重湖雲萬壑急懸溜颯沓聽難
分山中梅信發香色方氤氳已蠟阮生屐將墊林
宗巾身卧百尺樓心憶五湖濱笠澤渺千里漁村
雜鷗羣園綺緬匪遙逝當返吾真

曉起登梵天大悲諸閣望湖山

雲中聽雨登高閣烟外凌空俯太湖林屋仙招
欲出鴟夷高士遠堪呼離離螺髻行相映渺渺漁
舟看漸無更憶潭西最明迴青山滿眼眺姑蘇七

二峯閣
在潭西

漢月和尙塔院

門外娑羅樹湖邊修竹陰講堂宿雲影塔院寄空
林碑記中興蹟溪流常住心名衣傳法地妙相此
中尋

山中寄子側時阻雨滸墅舟次

平生兄弟遠遊心世外玄樓約共尋澗道名花任
開落湖天春水半晴陰何山往事思求點五嶽前
期負向禽遙憶孤蓬宿烟雨青芝南望白雲深

卽事

雨過長旂嶺花開朝士塢時見雨中人遙遙隔花
語

由拈花堂至竹深處與諸道人茶話

昔日靈山會迢迢傳至今漢公開講席重此闢香
林結宇萬峰頂安居雙樹陰拈花無漏學擊竹妙
明心祖印一何遠孫枝皆十尋禪關閉窈杳曲閣
俯蕭森積雨琅玕裏依依暝翠沉

玄墓又名萬峰

冒雨自法華鐘樓尋米堆山

僧樓鳴鐘罷徘徊向山路遠眺米堆山蒼蒼積烟
霧溪澗窅然深岡巒緬非故千重修竹林一徑江
梅樹花香上寒衲石流濕芒屨山靄接湖雲日夕
自來去迢迢五雲洞欲問誅茅處

由米堆山下行至上楊村錢家礪望湖中漁
洋法華諸山

杖策信忘疲行行畫圖裏崎嶇下雲壑蒼茫望烟
水石徑何盤紆疎籬照梅葉寥落重湖濱柴門數
家市居人太古風但解數雞豕語我種植法敦樸
有奇理冬作多晏眠春寒常晚起雖非舟里儔頗
謂桃源比逶迤到湖澹浩渺嘆觀止震澤控三江
波瀾此方始法華表東陲漁洋正相似烟雨春空
濛峰巒暮俶詭昨朝梵天閣遠眺如隱几豈知方
丈山忽落芒屨底欲乞五湖長垂釣將已矣

晚坐雨花橋看梅

寒湖望已遠迢迢暮歸寺脩竹隱山門金碧眩空
翠清溪枕飛梁花氣增明媚綠萼紛競發翠羽時
一至拈花悟禪心作賦識仙意高低垂繁條明滅
見湖次縹緲吹笙人消搖布金地微微蓮花漏蕭
然遠塵思

玄墓竹枝詞八首

二月梅花爛熳開遊人多自虎山來新安塢畔重
重樹畫舫青油日幾迴

左連光福右真珠南北湖山總畫圖四十里中花

作障人家多半住花鬚
渠儂家住上楊村鳥鉢峰青恰對門纔過焙茶梅
又子風光何似武陵源

鄧尉山頭片雨晴司徒廟下晚潮生却登七十二
峰閣玉柱銀房相向明

西施洞望米堆山夕翠朝烟擁髻鬟不道鴟夷曾
載去至今人在五湖間

西來銅井又銅坑山勢高低有二名試上龜峰光
福塔白波翠巘兩邊生

楓橋估客入山來艤子多從木瀆開瑪瑙水盤堆
萬顆西林五月熟楊梅

綠黛遙浮玉鏡間峰巒千疊水彎環居人却厭真
山好玄墓南頭看假山

題四宜堂留贈剖石道人

古德開山歲月深威儀入寺更沉沉雨花不散維
摩室金粟常飄祇樹林豎拂縱橫千佛義上堂鐘
鼓六時音水田製就從師日古塢寒香許再尋

下山遊聖恩下院復入奉慈寺看梅

住山已寂寞下山更惆悵西望竺山陰窈窕勢難
狀別院寄深幽空阿起樵唱稍東奉慈寺名藍鬱

相望碑記乾道年塵翳梵王相法雨來四山慈雲
起層嶂瀑布巖下落石溜花間漾樹疑旃檀林人
行藥珠上依依向山靈碧湖一舟放

登光福寺塔望穹窿靈巖諸山懷古

昨登擅勝閣遙遙見湖濱聚沙矚高妙珠露高由
甸山趾理歸棹中流望嶙峋鈴鐸天際語獅象雲
中蹲攬衣造峰頂大千俯微塵悟彼解脫義得此
清淨身名山繚四隅出沒媚烟晨眺遠跡方遐懷
古情彌辛采香已荒徑菱歌尚含顰館娃一片石
千載爲沾巾迴身望胥口落日悲孤臣

玄墓歸答李戶部

落拓江鄉歲月賒芒屨竹杖且天涯青春弔古吳
王苑綠嶂探幽鄧尉花兩崦水雲誰作主五湖鷗
鷺便爲家何能共醉寒香裏悵絕清溪箸帽斜

登惠山寺

古寺南朝蹟花時汗漫游泉疑申澗雨松照蠡湖
秋伏氏青山宅吳田碧水流九峰春正好悵望此

林丘

江淹歷山詩別鶴唳
吳田惠山古名歷山

惠山送友人往陽羨

復泊雲林棹孤篷正晚寒春泉流錫麓暮雨向銅

官東道花將發南陵雪未殘明宵遙憶汝罨畫與誰看

漁洋山人詩集卷九終

漁洋山人詩集卷十

新城王士禛貽上撰

辛丑稿

入春申礪第一曲訪愚公谷

已探鴻漸泉遂訪愚公谷名園倚申礪登頓窮九
曲春雨響寒山入門亂飛瀑疊閣瞰迴巒廣池漱
明玉振衣仙的樓憑高放遐矚五湖林際白九峰
雪中綠山陰菩提場名香奉天竺中構甄叔跣堂名
六通宛相屬齋名逶迤禮塔坪遙連璨山麓樹作曼
殊花人宜水田服南登肆志臺因憶黃公躅橋名石公

處履迴眺青羊野森疎盡喬木紅梅破珠林叢桂
飄金粟緬懷愚公日精藍此新築清流吐茵席名
髮間絲肉蕭晨金谷遊薄暮平泉宿風流百年盡
電光一朝促林壑生蠨蛸竹箭任樵牧憑弔問浮
雲榮落如轉轂來者復爲誰臨風悲玉鹿園舊屬顧氏名
玉鹿
玄丘

第二泉和涪翁韻

春山細雨三人俱藤笈親攜桑苧書縛亭甃石幾
年事至今浣沼噴明珠山人形癯味道腴九塲不
老將焉如軍持銅鉢此生畢買田卽傍芙蓉湖

題春申礪

桃夏遺宮廢章華蔓草深但餘流水意如聽女環
琴

春申礪上

望礪亭邊野望新明流秀嶂碧粼粼青山終古連
秦塢珠履何年問楚人冰雪倒懸三峽水風烟遙
接五湖濱李園已事成荒草太息空祠一愴神

聽松菴

碧山夜來雨孤松鬱蒼蒼石上流台雪松間拂瑤
瑟

惠山下鄒流綺過訪

雨後明月來照見下山路人言隔谿烟借問停舟處

歸鶴詩爲紫陽道人賦

海上有胎禽昂藏聳高格偶爾戲芝田依然避彈射故居近水竹山中多白石華表月明時依稀見歸客

仙山石室歌送丁子

朝望九仙山暮望九仙山九仙秀插碧雲裏五色照曜當天關金光黛色拂雲海勢與三山相向蒼

拂衣丁令邈不還石室寒烟至今在藤蘿作壁石作扉手種蒼松皆十圍巖香寂寂青桂落雲氣陰陰玄鶴飛輞川陸渾不可見鄂社名園倏更變何如石室千年存猿鶴曾逢昔人面紫陽仙人歸草堂麻姑園客同翱翔瑯琊臺畔吾家在北望仙山思故鄉

竹亭梅花盛開因憶玄墓之游

荏苒花朝近春寒坐竹亭疎梅香細細曲檻雨冥冥玄墓千花白吳烟萬岫青別來今幾日踪跡付飄零

真江曉發懷古二首

又發真州路江村正薄寒
春愁聞撥棹往事憶迎鑾
山色經新雨沙痕失舊灘
東風如有意送客上長干

中原爭戰日五馬渡江秋
幕府開江左瑯琊奠石頭
白門空夕照赤岫自春流
又見漁村柳飛花攬客愁

江上望青山憶舊二首

揚子秋殘暮雨時
笛聲雁影共逃離
重來三月青山道
一片風帆萬柳絲

長江如練布颿輕
千里山連建業城
草長鶯啼花滿樹
江村風物過清明

江行大風作歌

大江浩浩東南流
連山雪浪來蔣州
英雄千古竟已矣
眼底空悲孫仲謀
鮫室潭潭日將暮
榜人嘯呼出烟霧
擊楫洪流一放吟
風前恐有蛟龍怒

江行

九派來吳會三江下
楚關微茫失瓜步
清切望礬山
晚戍烽臺白
春花戰血斑
從來天塹地鐵鎖
至今閤

風便過燕子磯

隔年重過石頭城，悵望危磯百慮縈。
 樂府空亭髣髴辨題名，去秋題丹崖翠壁遙相
 映。山柳江梅暖更生，猶是六朝春草色。
 怨清明，萋萋烟雨

訪紀伯紫

閒踏春泥著屐來，烟波百曲孝侯臺。
 柴門徑僻少人跡，門外野棠花亂開。

題丁翁秦淮水閣和牧翁先生韻

遲日秦淮花氣新，鶯飛草長媚殘春。
 流觴往事經

寒食邀笛風流憶，丁所居在邀笛步上白社百年餘故

老青溪幾曲，隱闕身南朝。第宅消沉盡，草閣蕭蕭

未厭貧。

和牧翁題沈朗倩石厓秋柳小景

宮柳烟含六代愁，絲絲畏見冶城秋。
 無情畫裏逢搖落，一夜西風滿石頭。

再題丁翁水閣

風日秦淮好淹留，及暮春樓中花的的。
 檻外水粼粼，柳色濃陰合。檀痕密坐親，江山幾興廢。
 白髮見遺民。

同丁繼之泛秦淮

武定橋邊晚放舟
飛花片片逐迴流
新詩欲賦江潭苑
中酒還登孫楚樓
十里雲霞朱雀暝
三春風雨白門秋
他年小築能相傍
定向秦淮古岸頭

秦淮雜詩二十首

年來腸斷秣陵舟
夢繞秦淮水上樓
十日雨絲風片裏
濃春烟景似殘秋

結綺臨春盡已墟
瓊枝璧月怨何如
惟餘一片青溪水
猶傍南朝江令居

桃葉桃根最有情
瑯琊風調舊知名
卽看渡口花

空發更有何人打槳迎

三月秦淮新漲遲
千株楊柳盡垂絲
可憐一樣西川種
不似靈和殿裏時

潮落秦淮春復秋
莫愁好作石城遊
年來愁與春潮滿
不信湖名尚莫愁

清淮微月映湖床
玉笛悠悠春漏長
下渚偶然三弄罷
步名終古屬桓郎

青溪水木最清華
王謝烏衣六代誇
不奈更尋江總宅
寒烟已失段侯家

御溝碧水鴨頭新
流入秦淮更幾春
舊苑祇今零

蔓草枉將遺事弔隋陳

當年賜第有輝光開國中山異姓王莫問萬春園

舊事朱門草沒大功坊

新歌細字寫冰紈小部君王帶笑看千載秦淮鳴

咽水不應仍恨孔都官弘光時阮司馬常以吳綾作朱絲欄書燕子箋諸劇

進宮

舊院風流數頓楊梨園往事淚沾裳樽前白髮談

天寶零落人間脫十娘

傳壽清歌沙嫩簫紅牙紫玉夜相邀而今明月空

如水不見青溪長板橋

新月高高夜漏分棗花簾子水沉薰石橋巷口諸

年少解唱當年白練裙

小姑居處本無郎白石青松可斷腸便使仙人逢

玉斧已無西浦杜蘭香

緩髮愁粧別樣新文殊眉映午痕勻洛成不用輕

梳掠自有文犀號辟塵舊院盛時競尚蜜犀簪也

玉窓清曉拂多羅處處憑欄更踏歌盡日凝粧明

鏡裏水晶簾影映橫波

北里新詞那易聞欲乘秋水問湘君傳來好句紅

鸚鵡今日青谿有范雲雲字雙玉有紅鸚鵡詩最佳

漁洋詩集 卷一
舊事南朝劇可憐至今風俗鬪嬋娟秦淮絲肉中
宵發玉律拋殘作笛鈿

十里清淮水蔚藍板橋斜日柳毵毵棲鴉流水空

蕭瑟不見題詩暨阿男男有秋柳句云棲鴉流水點秋光

西曲吳歌子夜聲齊梁舊部可憐生如何北地燧

煌樂一夜流傳滿石城

贈林翁茂之

一月淹留邀笛步泥滑天陰春欲暮山人忽自乳
山來芒屨訪我青谿路愛君坐君朝爽閣叙述同
遊慨今昨早年曾賦槌鼓行東海屠公許述作赫

鼓山高會瞰雲海慘搗壯氣相噴薄霜山三弄悄

無聲廣場萬人色寂寞屠公揮槌下千仞眼底衣

冠殊落落直前握手顧林生少年爲我試盤礴酒

酣落筆驚四筵從此聲名動京吉祥寺裏梅花

時名流裙屐相攀追澹園老人六型古侯錦帆仙

令風骨奇郎即今轉盼六十古寺荒涼空斷碑

焦袁墓木已成拱夢中猶記論詩壯歲遠遊過

碣石雅與鍾王共晨夕伯敬季木極夫子文太青談

鋒如弩左右射欲往太華尋玉井更上天門探寶

冊濯髮趺突之飛泉近在君家海東宅舊游凋謝

歸江東三山舊業圖書空華林宮殿盡禾黍望仙樓閣成飛蓬以此感歎歸乳山山中土美多甘泉修竹森梢遶泉側四山環抱皆雲烟老妻已歿葬于此便作生壙終殘年山中藤子榦如鐵斲之作杖老且堅老夫提攜便登陟窮崖絕壑能攀緣十年不復入城市著書盈萬藏山巔故人零落畏開卷新知寥濶誰復憐感君斯言動慷慨滄海三變成萊田中朝名士晨星盡監門老子空豪賢松髯石骨自磊砢洪厓負局應拍肩恨不相從乳山裏汲泉採藥雲中眠

長干寺

門外長干道林端鍾阜雲浮圖插霄漢臨眺絕人羣宮闕秋聲合滄江曉勢分高臺元咫尺花雨日氤氳

木末亭作

曉登木末亭南望新林浦烟嵐紛四圍三山渺何許旭日麗飛甍雲物媚晴淑風景在江山離宮半禾黍顧瞻金川門悲來不能語惟餘博士祠正氣留終古

登木末亭拜方正學先生墓

石子岡頭木末亭振衣千仞攬青冥遙看江色紫
新練迴眺山光列翠屏古墓松杉悲靖難高臺花
雨罷談經未須憑弔傷今昔且繫長干雙玉餅

長干絕句四首

高樓夾淮水十里盡朱欄春蘭一花發香遍小長
干

欲向長干寺還登木末亭雲中一江白烟際萬峰

青

繡閣隱芙蓉屏掩瀟湘綠少小住長干解唱長干

曲

三月襄陽去音書好寄將江潮不相負朝夕到橫
塘

仙人洞訪無用和尚

落帆草鞋夾尋路入山谿寂寂仙人洞迢迢翠靄
西老僧坐深閬猿鳥絕攀躋晚食炊楓葉名衣剪
稻畦門前楚江淨座下嶽雲低相對離言說依依
去思迷

守風燕子磯

刁騷夜雨打吳榜三日南風燕子磯安得滄波如
匹練便乘輕舸去翻飛長江巨石想飛動漁燈戍

鼓相因依棲霞咫尺不能到白下古城春又歸

江上

水餐復水宿淹留更何事暮雨楚江邊人歸草堂寺

燕子磯阻風寄丁繼之四首

醉別冶城花醒見棲霞樹浦口晚潮生江天數帆暮

十日秦淮水聞歌做綺櫳流連江上別多謝石尤風

西下建康舟揚舲去安極惆悵江千人朝朝看風

色

客向秦淮去春波雙鯉魚知過邀笛步爲寄數行書

登觀音閣眺望

幕府山頭晚吹涼登高望遠極蒼茫濛濛夕照開
棠邑葉葉風帆下建康畫閣臨江飛鳥外丹崖拔
地暮雲旁娑羅花發香林淨坐聽微鐘出上方

大風渡江四首

鑿翠流丹杳靄間銀濤雪浪急潺湲布帆十尺如
飛鳥卧看金陵兩岫山

紅襟雙燕掠波輕
夾岸飛花細浪生
南北船過不得語
風帆一霎剪江行

幕府山前三日留
老僧相見石門秋
今朝回首江南望
無數雲烟在上頭

連山噴雪浪嵯峨
片片乘流竹箭過
憶昨傷春三月暮
江東門外柳枝多

清明曲

花朝節後雨如麻
寶障河邊水似紗
十二紅欄捲珠箔
滿城香送玉蘭花

燕子初飛春社時
隋皇故苑裊烟絲
北方風物南

中少不見秋千雙畫旗

答趙友沂長沙書

洞庭木葉眇愁予
龜策從誰問卜居
上巳一春風雨夢
瀟湘三月故人書
零陵水遠多香草
澧浦情深贈揭車
莫訊凌雲舊詞賦
文園淪落病相如

題余氏女子繡浣紗洛神圖二首

溪水粼粼見浣紗
苧蘿春色玉人家
絲絲繡出吳宮怨
碧石清江是若耶

明珠翠羽魏宮妝
洛水微波渺正長
欲寫陳王舊時恨
唾絨兼做十三行

鶴柴新成

修竹陰陰白鶴歸一聲清唳露霏微何年得訪浮丘去御爾真凌碧落飛

劉郡丞餉鮒魚歌

江南四月櫻桃紅笋芽出土千萬叢江村漁具中流集銀鱗撥刺網不空截流布網金山側一尺霜腴數金直感君七箸不相忘遠自江南寄江北

午日觀競渡寄懷家兄兼答辟疆感舊之作風景蕪城畫扇時輕陰漠漠柳絲絲三年京雒無消息五日江鄉有夢思空對魚龍懷楚俗誰將蘅

芷薦湘纍故人不見東臯子騷些吟成但益悲

龍舟曲二首

越王舊事盛隋堤歲歲龍舟簇仗齊夾岸明粧紛照水酒船飛送玉東西

楚俗空傳在廣陵沉湘哀怨漫相仍眼前咫尺梅花嶺誰與招魂薦郢冰

寄袁翁籜菴

謝傅登冶城本自高世姿君家冶城下手把梅花枝我客青溪隔桃葉聞君高咏梅花詩石厓秋柳那見賞令我惆悵東風時

袁賦梅花詩甚工余偶和牧翁石厓秋柳絕句

袁于便面見之亦極嗟賞

端午後二日渡江三首

南徐烟柳正堪攀
岍濶潮平一霎間
忽見船窓移塔影
披衣急起看金山

中郎遺贊焦山石
况有華陽逸少書
斟酌三山吾老矣
定從處士卜蝸廬

京口三山刺眼青
褰裳濡足昔曾經
飄飄何處凌雲意
試上荀郎舊日亭

京口遇季霖北歸

爾向錢塘去匆匆
那便迴西陵詩繾綣
北固望排

徊返照人烟集
樵風戍鼓催
心悲千里別
回首妙高臺

潤州寄張公選考功程崑崙別駕

天塹橫分吳楚長
臨流百感集
茫茫人馮水閣收
殘雨山隱江光淡
夕陽祠近佛狸曾
千古愁如洗馬自神傷
年年枕上雙峰影
舊約金焦未敢忘

江上有懷

江流淡無際
塔影挂晴空
川歌西津雨
山明北固虹
紫髯銷霸業
錦里颯寒蓬
千古魚龍宅
鐘聲出梵宮

漁洋山人詩集卷十終

